



Universitätsbibliothek Paderborn

**Avla ... Thesavorvm Dei In Passione D. N. Iesv Christi
Effusorum ad Resvrrectionem Mvltorum**

Eyschen, Georg von

Coloniæ, 1656

§. 93. Spiritus quidem promptus est, caro autem infirma. v. 38.

urn:nbn:de:hbz:466:1-45533

priæ salutis, pastori ouium etiam sibi commissarum ideo non solum Pastor sed & ipsis ouibus & Pastori dicit: *Vigilate & orate:* Ex quo Christi Domini præcepto sacrarum in Ecclesia Catholica vigiliarum ortus est ritus, ut nocte consurgant Christiani, uti testatur Plinius & ante lucis exortum carmina seu psalmos dicant Christo. Faciunt hoc Religiosi, & Clerici in Rom. Ecclesia, uti Plinij æuo nempe Anno Domini Centesimo, nesciunt Lutherani &c. Reformati nocturnas, vigilias, ideo valde à Christi grege sunt extranei.

O Domine Iesu clare perspicio & agnosco quod te non ita absorbere potuit tua passio, ut discipulorum obliuione tenereris, quin surrexeris ab alta contemplatione & discipulis aliquid comodi impariteris. Ad hunc modum Domine in dextera Dei sedens noli obliuisci mysteria constituta meæ, vide quam miser & desolatus quandoque sum ac si in obliuione esse apud te, & ad orationem meam non respiceres. *Noli mibi, ô misericors Domine, esse formidini:* sed sicuti in propria afflictione, morientur discipulorum recordatus es, ita iam in gloria patris ad dexteram constitutus, noli obliuisci mei, ne sine tuo solatio inueniar: nam sine tuo auxilio in tribulationibus meis perseverare nequeo. Verum enim vero inueniebas discipulos tuos dormientes & dicebas Petro: *Simon dormis, ac deinde ad alios non potuisti una hora vigilare tecum: Vigilate & orate ut non intretis in tentacionem.* O quantopere hoc opus habeo: nam multi sunt hostes visibles & invisibilis qui me assidue persequuntur, & contra hos omnes oratio mihi est incessaria, quia sine te nihil possum. Sed singulariter contra diaboli insidias oratione opus habemus ne ille præualeat aduersum nos, neve in desperationem nos adigat. Sed præter orationem, contra carnem etiam vigilare porret, quo vires eius tempestive infringamus, ne tandem cristas erga nobis dominetur. Habeo ego in Ecclesia Catholica hoc certe solatij, quod fratres mei plurimi vigilant, etiam cum ego dormio, media nocte laudem dicant tibi Domine particeps etiam sum ego omnium illorum, qui timent te. Sed id non satis est, ô anima mea, tuum etiam persoluto penitum. Eia igitur Domine da gnauiter semper tecum vigilem, & fer opem, ne unquam obdormiam; sed si oculi mei somnum quandoque capiant, semper tam cor meum, mens mea & intellectus tecum vigilent. Amen.

§. 93. *Spiritus quidem promptius est, caro autem infirma.* v. 38.

Dupliciter hoc verbum intelligi potest nempe primò Christum ob spiritus promptitudinem in Apostolis & carnis infirmitatem excusat. Apostolos aliquantulum de somnolentia eorum. Alio modo videntem Dominum

minum quam ipse promptus est, qui erat spiritus oris ipsorum Apostolorum, ad illos impellendos parum vel nihil proficeret, & hic semetipsum consolatum esse quas diceret sibi: Feci quod debui & quoad humanam naturam potui, spiritum egi, illi carnem: ille erat promptus, hi infirmi & hoc modo posteriore dictum, hic accipio & Dominum meum Iesum Christum humiliter adoro, ille enim est spiritus, qui vivificat, caro autem mea caro corrupta non prodest quicquam, si ab illo spiritu separetur, mortua est, cadaver est; at carnem Christi non prodesse, infirmam esse illam deificatam, blasphemia grauissima est, illorum qui dicunt se esse Reformatores, & sunt Deformatores gratiae Dei & Christi eius.

Gratias tibi ago Domine Iesu, qui me in Ecclesia Catholica constitueris in qua doceatur, carnem nostram peccatis subditam, non prodesse quicquam esse infirmam, carnem autem suam esse vivificantem, dantem mundo vitam, excitare a mortuis &c. & esse spiritum oris nostri, quem in sacra sancta Eucharistia accipimus, & intra nos demittimus ut verum fiat in nobis: qui manducat me & ipse viuet propter me.

§. 94. Et iterum abiens orans eundem sermonem dicens. v. 39.

Quem sermonem nisi uti antea, ut nempe fieret voluntas Patris: duo enim amores uti dictum est, in Christi corde inter se inuicem pugnabant: amor sensus naturae, ac vita propriae mori detrectans: & amor charitatis & glorie Dei & salutis nostrae morte sponte & auide amplectens: & ideo alter repugnabat alteri, quia in opposita bona & incompatibilia ferebantur: omnia tamen ad doctrinam nostram, non esse malum sentire quae sunt hominis & affectus humanos pati, paucere & tardere, mortem horrere, irasci &c. modo eos moderemur & rationi atque in primis Dei voluntati accommodemus: ipsum etiam rogemus ut affectus nostros dirigat &c. ut hic Christus ipse, qui suam fregit voluntatem seu potius velleitatem, & appetitum sensituum, patrisque voluntati subdere trina oratione sicut sit, & ita ut, velut æger potionem amaram à qua natura humana, non sine reluctatione sensus, ratio efficax sibi propinaret, & sumeret, quia cælestis medicus sic præceperat, & salus corporis eius, quod est Ecclesia, postulabat, & hanc ob causam vocat hic passionem suam (Calicem) quod instar amaræ potionis esset, tametsi valde salutaris. Itaque si quis graue damnum patitur in bonis animæ, corporis, fortunæ & propterea tristatur & commouetur, vel quod tale perdere timeret, aut cum perdidit alte sentit, non idcirco peccat: dummodo interim adlaboret, ut passionem illam vincat, & conformet rationi ac Dei voluntati: Si quis in virtutum proposito ac progressu sentiat